

爾雅郭注佚存補訂

爾雅郭注佚存補訂卷三

新城王樹枏

釋言第二

殷齊中也

書曰以殷仲春釋地曰岨齊州以南

釋文云距又作岨今各本皆作岨樹枏案釋地作
岨釋文云岨音巨不言有異同此岨距二字蓋誤
倒

斯謬離也

齊陳曰斯謬見詩

諺不見今毛詩邢疏引巷伯哆兮侈兮以證葢三家詩作諺毛詩作哆

謏興起也

禮記曰尸謏

還復返也

皆迴返也還音旋

毛本有此注皆迴返也四字仿宋本雪牕本皆脫元本閩本監本亦無此注而有還音旋三字

宣徇徧也

皆周徧也

駟遽傳也

皆傳車駟馬之名

仿宋本傳車誤轉車單疏本仿宋本雪牕本元本
閩本監本駟馬作驛馬

蒙荒奄也

奄奄覆也皆見詩

告謁請也

皆求請也

肅嘯聲也

詩曰肅嘯和鳴

格懷徠也

書曰格爾眾庶懷見詩

畛底致也

皆見詩傳

底音指

單疏本無皆字

文選報任少卿書李善注引爾

雅底致也郭璞曰音指今本刪音據補

侈怙恃也

今江東評母爲侈音是

明注疏本刪音是二字

律適述也

皆敘述也方俗語耳

俞畚然也

禮記曰男唯女俞畚者應也亦爲然

豫臚敘也

皆陳敘也

庶幾尚也

詩曰不尚息焉

觀指示也

國語曰且觀之兵

若惠順也

詩曰惠然肯來

敷撫傲也

禮記曰無撫無敷傲慢也

明注疏本作無撫無敖非

幼鞠釋也

書曰不念鞠子哀

鞠一作毓

詩鴉鵂正義引釋言鬻稚也郭璞曰鞠一作毓今

本脫此四字據補

逸讐過也

書曰汝則有逸罰

疑休戾也

戾止也疑者亦止

疾齊壯也

壯壯事謂速也齊亦疾

幘褊急也

皆急陝

各本皆作狹釋文云狹戶甲反樹枏案釋文狹字
俱作陝此作狹者傳寫誤也

貿賈市也

交易物爲貿
詩曰抱布貿絲

元應四分律六卷音義引爾雅買賈市買也郭璞
曰交易物爲買詩云抱布買絲是也妙法蓮華經
音義亦引郭注云交易物爲買今本脫此五字據
補

屏陋隱也

禮記曰屏用席書曰揚側陋

遏遼逮也

東齊曰遏北燕曰遼皆相及逮

征邁行也

詩曰王于出征邁亦行

郭所引毛及三家詩皆無一定故于於互異

圯敗覆也

謂毀覆也

慧琳高僧傳六卷音義引郭璞注爾雅云圯毀覆也根本說一切有部百一羯磨四卷音義引爾雅云圯覆也郭注云謂毀覆也今本脫也字據補荐原再也

易曰水荐至今評重蠶爲原

釋文云原舍人本作蠶音同今各本注皆作蠶
撫救撫也

二万七十三
一
撫愛撫也救義見書

明注疏本作救寔見書邵氏晉涵從之非是寔因
疏中救寔字致誤

臞瘠也

齊人謂瘠瘦爲臞瘠音衛求

希麟根本說一切有部毘奈耶破僧事三卷音義
引爾雅云臞瘠瘠也郭注云齊人呼瘠瘦爲臞瘠
音衛求樹柎案齊人謂臞瘠見說文今本蓋脫臞
字音衛求三字亦脫據補希麟根本說一切有部
毘奈耶藥事十二卷音義引爾雅郭璞注又作齊

人謂瘦爲臞音衢落瘠臠二字明注疏本脫瘦字

枕頰充也

皆充盛也

婁臞臞也

亟數也親臞者亦數

今本作親臞者亦數亟亦數也樹枏案此注二句
蓋誤倒又衍一亦字邢疏云亟猶數也親臞者恩
信必數故注云親臞者亦數據邢所云則注先言
亟而後言臞明矣元應超日明三昧經下卷舍利
弗問經音義俱引爾雅亟數也今據刪亦字二句

互爲乙訂

靡固無也

爽差也爽忒也

皆謂用心差錯不專一者也

唐殘本玉篇𦵏部爽下引爾雅郭璞曰謂用心差錯不專一者也今據補者也二字

𦵏貳也

𦵏次爲副貳

劑翦齊也

今南方人評翦刀爲劑刀

慧琳正誣論四卷音義引爾雅云劑齊也今南方人呼剪刀爲劑刀各本脫今字據補

饋餽稔也

今評餐

音脩

飣爲饋饋熟爲餽

釋文云飣字又作餅俗作飯今各本俱作飯明注疏本餐誤賃元本誤攸詩大雅泂酌正義引郭璞曰今呼餐音脩飯爲饋饋均熟爲餽阮氏云注疏本音誤者山井鼎云宋音脩二字白書樹枌以爲此係郭璞自音唐殘本玉篇食部饋下引爾雅郭璞曰今呼脩飯爲饋又餽下引爾雅郭璞曰今呼

飯熟爲餽也案今本饋熟爲餽當從顧本作飯熟爲餽而泂酌釋文引郭注則作餽熟爲餽餽餽同字蓋陸所據本作饋不作飯也

媵將送也

左傳曰以媵秦穆姬詩曰遠于將之

作造爲也

糞餼食也

方言云陳楚之間相呼食爲糞

釋文云呼或作評同下文今江東評大爲駟則又云評火乎反或作呼同評呼二字前後不一樹柑

案郭所自注凡評字皆用江東之語其所引書則一仍其舊方言本用呼字故不復易之今觀釋文分別出之可知

鞠究窮也

皆謂窮盡也見詩

慧琳開元釋教錄十六卷音義引郭注爾雅云謂覈盡也文選四子講德論注引爾雅究窮也郭璞曰謂窮盡也據補謂字

滷鹵鹹苦也

滷苦地也可矜憐者亦辛苦苦卽大鹹

釋文云葬力田反此葬字蓋傳寫誤脫去心旁故校者云本今作憐同據釋詁釋文云憐力田反則郭注本作憐也

干流求也

詩曰左右流之

流覃也覃延也

皆謂蔓延相被及也

釋文云蔓延以戰反又音延舊校云本今作延樹枌案慧苑華嚴經音義卷上引爾雅覃延也郭注謂蔓延相被及也與陸本同釋文凡蔓延字皆作

莛今本脫也字據慧苑引補

佻偷也

謂苟且也

元應等目菩薩所問經上卷音義引爾雅佻偷也
注云謂苟且也今本脫也字據補

潛深也潛深測也

測亦水深之別名

穀鞠生也

詩曰穀則異室

啜茹也

茹食也 啜者拾食也

慧琳高僧傳九卷音義引郭注爾雅茹食也今本
脫此注據補 元應佛本行集經七卷音義引爾
雅啜茹也郭璞曰啜者拾食也舊雜譬喻經下卷
音義引同今本脫也字據補

茹虞度也

皆測度也詩曰不可以茹

試式用也

皆見詩書

明注疏本刪皆字

誥誓謹也

皆所以約勅戒衆也

今本作皆所以約勤謹戒衆案謹非勤謹之謹此
注蓋有誤希麟琳法師別卷上音義引爾雅云誥
誓謹也郭璞注云皆所以約勒戒衆也樹杗案勤
勒二字皆勅字之譌自勅誤爲勤於是淺人遂增
謹字以牽就之而不知約勤謹戒衆之不辭也今
據希麟所引刪謹字補也字勤勒二字以意定爲
勅形之誤

競逐強也

皆自勉強

仿宋本單疏本明注疏本皆作勉彊雪牕本作強
勉樹枏案釋文云強巨丈反注同本或作彊字蓋
陸所據本作強不作彊釋訓懋懋懋懋勉也注云
皆自勉強釋文云強其丈反此注與彼注正同
禦圍禁也

禁制 也圍音語

希麟根本說一切有部毘奈耶出家事一卷音義
引爾雅云禦圍禁也郭注云禁制也圍音語今本
刪也字及音據補

室蕤塞也

謂塞孔穴

黼黻彰也

黼文如斧黻文如兩己相背

膺身親也

謂躬親

愷悌發也

發發行也詩曰齊子愷悌

詩齊風載驅正義引釋言云愷悌發也舍人李巡

孫炎郭璞云闡明發行樹枏案郭注但言發行詩

疏統引諸家故合言之耳郝氏懿行據此謂郭注有脫缺非也

髦士官也

取俊士令居官

畷農夫也

今之嗇夫是也

蓋割裂也

蓋未詳

邕支載也

皆方俗語亦未詳

誣諉累也

以事相屬累爲誣諉也

慧琳集古今佛道論衡三卷音義引郭注爾雅云
以事相囑累爲誣諉也今據補也字

漠察清也

皆清明

庇庥廕也

今俗語評樹廕爲庥

仿宋本單疏本明注疏本作蔭雪牕本作廕與釋

文同

穀履祿也

書曰既富方穀詩曰福履將之

履禮也

禮可以履行見易

隱占也

占自隱度也

史記平準書索隱引郭璞云占自隱度也今本刪

占自也三字據補唐殘本玉篇卜部占下引爾雅

隱占也郭璞曰隱度之也文選求自試表注引爾

雅曰占隱也郭璞曰隱度之

逆迎也

懽會也

發語辭見詩

增益也

今江東通言增

窶貧也

窶謂質陋也

慧琳四分尼羯磨一卷音義引郭注爾雅窶謂質陋也
大唐西域記一卷音義引郭注爾雅云謂質陋也
元應達磨多羅禪經上卷音義引爾雅窶貧

也郭璞曰質陋也樹杙案詩毛傳謂窶者無禮故
郭注云質陋今本作謂貧陋貧蓋質形相近之譌
今據補正

夢隱也

謂隱蔽

僂邑也

鳴邑短氣皆見詩

基經也

基業所以自經營

基設也

亦爲造設

祺祥也

謂徵祥

祺吉也

謂吉之先見

各本皆作祥吉之先見邢疏亦云祥卽吉之先見者也今從雪隱本

兆域也

謂塋界

肇敏也

一乃三十八
書曰肇牽車牛

挾藏也

今江東通言挾

謂懷意也

元應僧祇經十五卷音義引爾雅挾藏也注云今

江東通言也謂懷意也今本脫謂懷意也四字據

補

挾徹也

謂霑徹

替廢也替滅也

亦爲滅絕

元應阿毗達磨俱舍論十七卷音義引爾雅替滅也謂滅絕也

速徵也徵召也

易曰不速之客

琛寶也

詩曰來獻其琛

探試也

刺探嘗試

慧琳辯正論序音義引爾雅嘗試取其意也樹柸案取其意也四字當亦郭注原文

髦選也

俊士之選

髦俊也

士中之俊如毛中之髦

慧琳大唐內典錄四卷音義引郭注爾雅云士中之俊如毛中之髦髦也

俾職也

使供職

紕飾也

謂緣飾見詩

凌慄也

凌據戰慄

慄感也

戰慄者憂感

慧琳集古今佛道論衡四卷音義引郭注爾雅云

戰慄憂感也

燭明也

燭清明貌

茅明也

左傳曰荊茅慮無

一ろの十六
明明也

猷圖也

周官曰以猷鬼神祇謂圖畫

諸本皆作周官惟單疏本作周禮阮氏云郭注多引作周禮凡十二見惟此及釋天講武注作周官猷若也

詩曰寔命不猷

仿宋本寔作實

稱舉也

書曰稱爾戈

今本經注皆作偶案釋文云稱尺證反陸氏所據
本上下兩稱字蓋皆作稱書牧誓亦作稱

稱好也

物稱人意亦爲好也

慧苑華嚴經音義下卷引爾雅曰稱好也郭璞注
云事稱人意皆好者也元應維摩詰所說經上卷
音義引爾雅稱好也注云物稱人意美善好也引
與今本微異今據補也字

坎律銓也

易坎卦主法法律皆所以銓量輕重也

元應四分律一卷音義引爾雅律銓也法律所以銓量輕重也今據補也字

矢誓也

相約誓

舫舟也

併兩舟也

今本作並兩船唐殘本玉篇舟部舫下引爾雅郭璞曰併兩舟也慧琳大般若波羅蜜多經三百九十八卷音義引爾雅郭璞曰併兩舟曰舫也元應四分律二卷音義引爾雅郭璞曰並兩舟也樹柁

案顧野王元應慧琳俱作兩舟是唐以上本作舟
不作船釋文云併字又作並作併者是與顧野王
慧琳合釋水大夫方舟注亦作併其作兩船者緣
彼注而誤也今本脫也字據補

泳游也

潛行游水底

迫及也

東齊曰迫

冥幼也

幼穉者冥昧

降下也

傭均也

謂齊等也

慧琳方廣大莊嚴經序品六卷佛說大乘造像功德經下卷音義俱引郭注爾雅曰傭謂齊等也希麟新華嚴經十六卷音義引爾雅曰臚均也郭注

云謂齊等也今據補謂也二字

強暴也

強梁凌暴

明注疏本強梁作彊梁邢疏亦作彊

宛肆也

輕宛者好放肆

肆力也

肆極力

俛戴也

詩曰戴弁俛俛

此蓋引三家之詩玉篇貝部亦引詩戴弁俛俛雪
牕本監本作載從毛詩改也

瘞幽也

幽亦薶也

雪牕本蕘改埋

鼇屬也

毛鼇所以爲屬

鼇音狸

詩韓奕正義引釋言云鼇屬也郭璞曰鼇音狸今

本脫此三字據補

烘燎也

謂燒燎

仿宋本脫謂字

堪蛙也

今之三隅竈也見詩

詩白華正義引釋言云煇炷也郭璞曰今之三隅
竈也據補也字

陪朝也

陪位爲朝

康苛也

謂苛刻

樊藩也

謂藩籬也

詩東方未明正義引郭璞曰謂藩籬也文選月賦
注引爾雅樊藩也郭璞曰藩籬也今本脫也字據

補

賦量也

賦稅所以評量也

慧琳大般涅槃經廿九卷音義引郭璞曰賦所以
平量也今本脫也字據補

粳糧也

今江東通言粳

希麟新譯十地經二卷音義引爾雅粳糧也郭注
今江東通呼糧爲粳與今本微異

庶侈也

庶者眾多爲奢侈

庶幸也

庶幾僥倖也

文選潘安仁悼亡詩注引郭璞爾雅注曰庶幾微幸也元應佛本行集經六卷音義引同今據增也字

筑拾也

謂拾掇

樊駟也

今江東評大爲駟駟猶麀也

二五〇
釋文評火乎反或作呼同柑案下文號譟也郭
注云今江東皆言譟郭注全書蓋皆用江東之語
作評幸有此一處未經改易故陸特出之前後呼
字俱據此改正

集會也

舫汭也

水中籊籊

也木曰籊竹曰籊小籊曰汭

詩漢廣釋文引郭璞云水中籊籊也又云木曰籊
竹曰籊小籊曰汭今本脫木曰籊十字據補

洵均也

謂調均

洵龕也

未詳

逮逕也

今荆楚人皆云逕音沓

仿宋本雪鰲本有音沓二字明注疏本刪釋文云
沓與上同亦徒荅反是陸本有音沓二字

是則也

是事可法則

畫形也

圖畫者 所以爲形象也

慧琳大般若波羅蜜多經三百八十一卷音義引
爾雅畫形象也郭璞曰圖畫者所以作形象也樹
枏案慧琳所引經文象字涉注文而衍今本刪圖
所以也四字據補明注疏本象改像

賑富也

謂隱賑富有也

元應增一阿含經四十八卷音義引爾雅賑富也
謂隱賑富有也今據補也字

局分也

謂分部

憺怒也

詩曰天之方憺音薺

仿宋本雪牕本有音薺二字明注疏本刪

憺聲也

謂聲音

葵揆也

詩曰天子葵之

明注疏本作揆之誤

揆度也

商度

逮及也

怒飢也

怒然飢意

珍重也

謂厚重見左傳

獵虐也

凌獵暴虐也

慧琳舍利弗悔過經希麟大乘瑜伽千鉢文殊大
教王經音義俱引郭注爾雅云凌獵暴虎也虎字

誤據增也字

土田也

別二名

戍邊也

戍守所以止寇賊

師人也

謂人衆

砦輦也

砦然堅固

今本作砦邢疏云砦當從告釋文云砦苦角反據

釋文音切則陸氏所見本蓋作𦨇而今本亦改爲
𦨇矣說文𦨇石聲從石告聲苦角切今據陸音訂
正

爾雅郭注佚存補訂卷三終

爾雅郭注佚存補訂卷四

新城王樹枏

棄忘也

囂閑也

囂然閑暇貌

謀心也

謀慮以心

獻聖也

謚法曰聰明睿智曰獻

謚法解智作哲

里邑也

謂邑居

襄除也

詩曰不可襄也

仿宋本脫也字

振古也

詩曰振古如茲猶云久若此

懟怨也

縞介也

縞者繫也介猶閑

仿宋本單疏本雪隱本元本脫也字今從明注疏
本

號諱也

今江東皆言諱

凶咎也

苞稂也

今人評物叢緻者爲稂

遁寤也

相干寤

題題也

題額也詩曰麟之題

今本作麟之定釋文云題丁佞反字又作定注同
是陸所據郭本經注皆作題題者三家今文定者
毛詩古文詩麟之趾正義引郭璞曰謂額也彼釋
文引郭璞注爾雅額也無謂字

猷肯可也

詩曰猷來無棄肯今通言

務侮也

詩曰外禦其侮

仿宋本單疏本雪窓本元本作侮明注疏本作務

樹柸案郭所引蓋三家詩春秋內外傳亦引詩作
外禦其侮注疏本改從毛非也

貽遺也

謂
相歸遺也

元應五分律十五卷音義引爾雅貽遺也注云謂
相歸遺也希麟琳法師別卷中音義引爾雅云貽
遺也郭注云相歸遺也今據補謂也二字

貿買也

廣二名

慧琳陰持入經下卷音義貿下引郭注爾雅云廣

易名也大唐內典錄一卷音義賈下亦引郭注爾雅云廣易也與今注異

賄財也

甲狎也

謂習狎

莢騅也

莢薺也詩曰毳衣如莢莢草色如騅在青白之間

莢薺也三字舊本皆作經文樹柎案莢薺在釋草

此處不應複出詩大車毳衣如莢傳云莢騅也箋

云莢薺也正義云莢騅釋言文莢薺釋草文據此

則唐孔氏所據爾雅釋言中尚無焚藪也三字此
蓋郭注引釋草以釋此經後人誤書入經中遂至
前後複見今爲訂正之詩正義引經注騅俱作騅
粢飧也

今河北人評食爲飧

釋文云飧本又作餐據此則陸所據郭本經注俱
作飧今各本皆從又本作餐明注疏本作粢

渝變也

謂變易

宜肴也

詩曰與子宜之

懷悅也

詩曰我心則夷

顛頂也

頭上

耄老也

八十爲耄

輜輕也

詩曰德輜如毛

淺淺也

詩曰小戎倭收

絢絞也

糾絞繩索也

希麟根本說一切有部毘奈耶藥事廿卷音義引
爾雅云絢絞也郭注云糾繩索也唐殘本玉篇糸
部絢下引亦有也字據補

訛化也

詩曰四國是訛

駸驪也

詩曰狼跋其胡

寔哈也

詩曰載寔其尾

烝塵也

人眾所以生塵埃

戎相也

相佐助

飫私也

宴飲之私

鴉屬也

謂親屬

幕幕也

幕然暮夜

煽熾也熾賊也

互相訓煽義見詩

柢本也

謂根本

窈閒也

窈窕閒隙

慧琳集沙門不拜俗議四卷音義引郭注爾雅窈
幽靜也今經無窈字疑此上經注俱有脫文

淪率也

相率使

罹毒也

憂思慘毒

檢同也

模範同等

郵過也

郵道路所經過也

慧琳集古今佛道論衡四卷音義引郭注爾雅云
郵道路所經過也廣弘明集廿七卷音義引亦有

也字今據補

逖逖也

謂逃去

雪窓本作謂逃亡

樊路也

路
荊覆也

慧琳起世因本經四卷續高僧傳廿七卷音義俱
引郭注爾雅云路前覆也文選七命注引同今據
補

債儻也

卻偃

仿宋本雪牕本卻作却

眇殄也

謂殄絕

曷盍也

盍何不

虹潰也

謂潰敗

陪闇也

陪然冥貌

慧琳高僧傳十卷音義引爾雅陪暗也郭璞云陪然冥闇也與今本異

𪔐膠也

膠黏𪔐也

雪牕本作膠黏脫𪔐字希麟續開元釋教錄上卷音義引爾雅云𪔐膠也郭注云膠黏𪔐也今據補也字

孔甚也

厥其也

夏禮也

謂常禮

閤臺也

城門臺

囚拘也

謂拘執

攸所也

展適也

得自申展者皆適意也

邢疏引郭云得自申展者皆適意也今據補者也

二字

鬱氣也

鬱然氣出

宅居也

休慶也

祈叫也

祈祭者叫呼而請事

濬幽深也

濬亦

所以深之也

唐殘本玉篇水部濬下引爾雅郭璞曰濬亦所以深之也慧琳大唐三藏元奘法師本傳八卷音義

引同樹柎案顧野王慧琳所據本作浚浚與濬同
今本刪節義殊不圓據以補訂

哲智也

弄玩也

尹正也

謂官正也

皇匡正也

詩曰四國是皇

服整也

服御之令齊整

聘問也

見穀梁傳

愧慙也

心愧曰慙

慧琳集古今佛道論衡一卷音義引郭注爾雅云
心愧曰慙四卷音義引郭注爾雅云心慙爲慙樹
母案釋文引小爾雅心慙曰慙方言注引小爾雅
心愧爲慙慧琳所引當是此下注文今以引與方
言注同者補訂

殛誅也

書曰鯀則殛死

克能也

翌明也

書曰翌日乃瘳

訥訟也

言訥諂也

唐殘本玉篇言部詢下引爾雅郭璞曰言爭訟也

與今本不同今據補也字

晦冥也

冥昧也

慧琳寶星經二卷釋門系錄五恐怖世經音義俱
引郭注爾雅云冥昧也當是此下注文據補

奔走也

逡退也

逡巡卻退也 外傳曰已復於事而逡

元應大智度論十七卷音義引爾雅逡退也郭璞
曰逡巡却退也文選東都賦注引郭璞爾雅注曰
逡巡却去也樹柎案今本脫此五字邵氏晉涵據
文選注補今據元應所引補 齊語作有司已於
事而竣說文竣下引國語作有司已事而竣阮氏

元謂復字衍今案釋文出已復蓋陸所據本有復字

寔仆也

頓躓倒仆也

希麟大寶廣博樓閣善住祕密陀羅尼經下卷音義引爾雅曰寔仆也郭注云頓躓倒仆也今據補也字慧琳大集須彌藏經上卷音義引郭注爾雅云寔頓猶倒仆也

亞次也

諗念也

相思念

屑極也

有所限極

弇同也

詩曰奄有龜蒙

釋文不出奄字經注當皆作弇郭蓋引三家詩而後人依毛詩改作奄也今本經文弇字亦有誤作

奄者

弇蓋也

謂覆蓋

恫痛也

詩曰神罔時恫

握具也

謂備具

振訊也

振者奮迅

單疏本迅改訊柑柑案注以迅明訊之假借文選注引韓詩云振奮也郭本韓詩爲義廣雅奮訊也
昭十八年左氏傳振除火災孔疏云所以振訊除去火災也詩雄雉七月釋文並云訊本作迅

閒恨也

相怨恨

越揚也

謂發揚

對遂也

詩曰對揚王休

煨火也

詩曰王室如燬燬齊人語

懈怠也

宣緩也

謂寬緩

偶遇也

偶爾相值也

文選讓宣城郡公表注引爾雅曰偶遇也郭氏曰
偶爾值也與山巨源絕交書注引爾雅曰偶遇也
郭璞曰偶值也元應大般涅槃經二卷音義引爾
雅偶遇也郭璞曰偶爾相值者矣大智度論二卷
音義引爾雅云偶遇也郭璞曰偶爾相值也慧琳
大方廣如來藏經音義引爾雅云偶遇也郭注云
偶值也樹枏案今本經文作遇偶也注作偶爾相

值遇據唐人所引則今本遇偶二字誤倒注亦衍
一遇字謹據刪補

曩臯也

國語曰曩而言戲也

今晉語也作乎

惶暇也

詩曰不遑啟處

釋文云遑或作惶通作皇

宵夜也

懊忼也

謂愛忼

惕貪也

惕謂貪羨也

慧琳廣弘明集五卷音義引郭注爾雅云惕謂貪羨也樹枏案今本注文皆從刪省唐時當有足本及刪本兩者並行於世故見於唐人所引者與今本互有異同如上文謂發揚謂寬緩謂愛忼之類皆係刪省而無他引可證以慧琳所引此注推之則謂發揚當作越謂發揚也謂寬緩當作宣謂寬緩也謂愛忼當作悞謂愛忼也必如此詁釋始知

所解者爲何字漢唐以來傳注皆如此

搯挂也

相搯挂

釋文云搯音枝說文作橈挂音注說文作柱皆從
木旁樹柎案唐石經仿宋本單疏本雪牕本元本
閩本皆同說文木旁作監本毛本手旁作與釋文
同注云相搯挂則郭所據本蓋從手

裁節也

並併也

詩曰並坐鼓瑟

卒既也

既已

慚慮也

謂謀慮也

將資也

謂資裝

黼紕也

今人評縫紕衣爲黼

釋文引郭云今人呼紕衣爲黼唐殘本玉篇黼部
黼下引爾雅黼紕也郭璞曰今人呼紕衣爲黼所

引皆脫縫字釋文云縫奉容反蓋陸本有也爾爲
爾之譌體雪臆本亦作爾

遞迭也

遞謂更迭也迭音徒結反

慧琳大乘入楞伽經一卷音義引郭注爾雅云遞
謂更易也元應瑜伽師地論一卷僧祇比丘尼戒
本音義俱引爾雅遞迭也郭璞曰謂更易也慧琳
得無垢女經發覺淨心經上卷音義引同元應俱
舍論四卷音義引爾雅遞迭也郭璞曰遞更易也
慧琳大寶積經二卷音義引同元應大方廣佛華

嚴經十四卷音義引爾雅遞迭也謂更易也迭音徒結反文選上林賦注引郭璞曰遞迭也徒結切樹柎案元應慧琳俱作更易也今據元應慧琳補遞謂也三字據元應李善補迭音徒結反五字矧況也

辟況

今本作譬況釋文云辟本亦作譬樹柎案古譬況字多作辟

廩廩也

或說云卽倉廩所未詳

遁逃也

遁謂更易也
亦見禮記

慧琳廣弘明集十卷音義引郭注爾雅云遁謂更易也樹柸案更易與逃義不相屬郭蓋先釋遁字之義而後引禮記以證遁之爲逃故加亦字以明遁之有二義也

訊言也

相問訊也

唐殘本玉篇言部諄下引釋詁諄告也又引此注相問諄也今據補也字

閒倪也

左傳謂之謀今之細作也

沅沅也

水流潏沅

干扞也

相扞衛

趾足也

足腳也

慧琳大唐三藏元奘法師本傳二卷音義趾下引
郭注爾雅亦腳也樹枏案此注當作趾亦腳也今

本刪改

跽別也

謂斷足也

希麟新大方廣佛華嚴經十二卷音義引爾雅曰
跽別也郭注云謂斷足也今據補

襄駕也

書曰懷山襄陵

忝辱也

燠煖也

今江東通言燠

塊塼也

土塊也外傳曰枕王以塼

邢疏本作土圠也樹枏案元應出曜經十四卷音義引爾雅塊塼也土塊也慧琳文殊師利菩薩問菩提經論上卷音義引郭注爾雅云土塊也所引俱作塊字與今本同旣夕記疏引孫炎云塼土塊也郭蓋本孫炎今本作枕圠以塼樹枏案吳語作枕王以璞邢疏云枕圠者字之誤也圠當作王又外傳作璞郭云以塼者蓋亦理同或所見本異也今謂王字因經文塊本作圠相涉致誤據吳語

改正

將齊也

謂分齊也詩曰或肆或將

餽餽也

餽亦糜也餽音之然反

元應修行道地經五卷音義引爾雅餽餽也郭璞
曰卽糜也餽音之然反慧琳續高僧傳六卷音義
引爾雅云餽餽也郭璞注云餽亦糜也樹枏案說
文餽糜也餽爲寄食而爾雅以餽餽爲訓故郭云
亦糜今本刪餽亦二字而訓釋晦矣謹據補訂

啟跪也

小踧

瞍密也

謂綴密

開闢也

書曰開四門

袍襦也

左傳曰重襦衣裳

障眇也

謂壅障

靦媿也

面媿然 也媿音戶刮反

希麟琳法師別卷上音義引爾雅云靦媿也郭云

面媿然也媿音戶刮反今據補

鬻糜也

淖糜

舒緩也

謂遲緩

翽翽也

今之羽葆幢

一るの十一
燾翳也

舞者所持以自蔽翳也

詩君子陽陽正義引釋言燾翳也郭璞云所持以自蔽翳也今本脫持也二字據補

隍壑也

城池空者爲壑

芼搯也

謂拔取菜

典經也

威則也

威儀可法則

苛妒也

煩苛者多嫉妒

元本作嫉妬誤

芾小也

芾者小貌

迷惑也

狃復也

謂狃怵復爲之也

後漢書馮異傳李賢注引爾雅曰怵復也郭景純

曰謂慣忼復爲之也釋文引郭云狃忼復爲也今據賢注增補三字而慣忼仍從陸本作狃忼忼或從犬誤明注疏本作伏更誤小爾雅云狃忼也逼迫也

般還也

左傳曰般馬之聲

班賦也

謂班布與之也

元應超日明三昧經上卷雜寶藏經二卷音義俱引爾雅賦班也郭璞曰謂班布與之也今據補班

之也三字

濟渡也濟成也濟益也

所以廣異訓各隨事爲義

緡綸也

詩曰維絲伊緡緡繩也江東謂之綸

元應十誦律四十六卷音義引爾雅緡綸也郭璞

曰江東謂之緡

辟厯也

未詳

釐盞也

漉漉出𪔐沫也

各本作𪔐釋文云𪔐囚延反字當作次又作𪔐元
應四分律四十二卷音義引郭璞注爾雅云𪔐沫
也與陸本正合希麟新大方廣佛華嚴經十四卷
音義引郭注爾雅云漉出𪔐沫也今據補也字

寬綽也

謂寬裕也

袞黻也

袞衣有黻文

也玄衣而畫以龍者也

元應佛所行讚經傳五卷音義引爾雅袞黻也郭

璞曰袞衣有黻文也立衣而畫以龍者也今本脫
九字據補

華皇也

釋草曰萑華榮

單疏本作皇華榮今釋草文作萑釋文云萑本亦
作皇

昆後也

謂先後也方俗異語耳

元應明度無極經一卷音義引爾雅昆後也郭璞
曰謂兄後也方俗異言耳樹柎案兄爲先字形之

誤方俗異語見前言字係元應隨筆改易之文今
據補訂

彌終也

彌極意也終竟也

慧苑華嚴經上卷音義引郭璞注爾雅曰彌極意
也當是此下注文據補

爾雅郭注佚存補訂卷四終